

Na osnovu člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), i člana 7. Odluke o priznanjima broj 02-49-203/06 od 9. marta 2006. godine, Općinsko vijeće Stari Grad Sarajevo, na 14. sjednici, održanoj 9. marta 2006. godine, donijelo je

RJEŠENJE

O IZBORU PREDSJEDNIKA, ZAMJENIKA PREDSJEDNIKA I ČLANOVA KOMISIJE ZA PRIZNANJA OPĆINE STARI GRAD SARAJEVO

I.

U Komisiju za priznanja biraju se;

1. RIZAH AVDIĆ - predsjednik
2. HAMZA DUVNJAK - zamjenik predsjednika
3. SULJO AGIĆ - član
4. DŽENANA MISTRIĆ - član
5. SADŽIDA ČELEBIĆ - član
6. ENISA HODŽIĆ - član
7. RAMIZ HOLJAN - član
8. AIDA KARAIĆ - član
9. HARIS BURINA - član
10. KEMAL KAPETANOVIĆ - član
11. IVO KOMŠIĆ - član
12. ZAIM ZOLJ - član
13. VERA ZORIĆ - član
14. ALDIN ČENAN - član
15. NEZIR OMERBEGOVIĆ - član
16. NADIJA ODOVIĆ - član
17. VAHID ALIĆ - član

II.

Ovo Rješenje bit će objavljeno u "Službenim novinama Kantona Sarajevo".

Broj 02-49-204/06
marta 2006. godine
Sarajevo

Predsjedavajući
Općinskog vijeća
Stari Grad Sarajevo
doc. dr. **Rizah Avdić**, s. r.

Na osnovu člana 6. Odluke o upotrebi grba i imena Općine Stari Grad Sarajevo ("Službene novine Kantona Sarajevo", broj 37/05) i člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), Općinsko vijeće Stari Grad Sarajevo, na sjednici održanoj 9. marta 2006. godine, donijelo je

RJEŠENJE

O ODOBRAVANJU UPOTREBE IMENA OPĆINE STARI GRAD SARAJEVO U NAZIVU UB "PRVA BRDSKA BRIGADA STARI GRAD SARAJEVO"

1. Odobrava se Udruženju boraca "Prva brdska brigada Stari Grad Sarajevo" da u svom nazivu sadrži ime Općine Stari Grad Sarajevo.

2. Udruženje boraca "Prva brdska brigada Stari Grad Sarajevo" obavezno je doprinosti afirmaciji Općine i obilježavanju i očuvanju identiteta Općine kao jezgre otpora i odbrane.

3. Udruženje boraca "Prva brdska brigada Općine Stari Grad Sarajevo" ne može bez posebnog odobrenja Općinskog vijeća Stari Grad Sarajevo prenositi ovo odobrenje na pravne subjekte kojima je osnivač, niti koristiti ime Općine Stari Grad Sarajevo u svrhe koje nisu odobrene.

4. Općinsko vijeće Stari Grad Sarajevo može opozvati ovo rješenje ako Udruženje boraca "Prva brdska brigada Stari Grad Sarajevo" svojim djelovanjem ne afirmiše ugled Općine Stari Grad Sarajevo ili više ne ispunjava uvjete zbog kojih je izdato ovo Rješenje.

5. Udruženje boraca "Prva brdska brigada Stari Grad Sarajevo" se oslobađa plaćanja godišnje naknade za upotrebu imena Općine Stari Grad Sarajevo.

6. Rješenje o odobravanju upotrebe imena Općine Stari Grad Sarajevo u nazivu UB "Prva brdska brigada Stari Grad Sarajevo", izdaje se na neodređeno vrijeme.

7. Ovo Rješenje stupa na snagu danom donošenja i bit će objavljeno u "Službenim novinama Kantona Sarajevo".

Broj 02-49-186/06
9. marta 2006. godine
Sarajevo

Predsjedavajući
Općinskog vijeća
Stari Grad Sarajevo
dr. sc. **Rizah Avdić**, s. r.

Na osnovu člana 10. tačka 4. i člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), Općinsko vijeće Stari Grad Sarajevo, na sjednici održanoj 9. marta 2006. godine usvojilo je

ODLUKU

O DONOŠENJU LOKALNOG AKCIONOG PLANA ZAŠTITE OKOLIŠA OPĆINE STARI GRAD SARAJEVO - LEAP

Član 1.

U cilju osiguranja napretka i održivog razvoja Općine Stari Grad Sarajevo (u daljnjem tekstu: Općina), unapređenja stanja okoliša i javnog zdravlja, te u cilju poboljšanja uvjeta života svih stanovnika Općine, donosi se Lokalni akcioni plan zaštite okoliša Općine -LEAP.

Sastavni dio Lokalnog akcionog plana zaštite okoliša Općine je Projekt.

Član 2.

Projekt Lokalnog akcionog plana zaštite okoliša Općine temelji se na dokumentima usvojenim u Rio de Janeiro (Agendi 21), Johannesburgu i drugim međunarodnim okolinskim dokumentima, posebno dokumentima Programa za okoliš Ujedinjenih naroda - UNEP, Svjetske zdravstvene organizacije -WHO, na lokalnim dokumentima, zakonima i propisima, naročito na Nacionalnom akcionom planu zaštite okoliša Bosne i Hercegovine.

Lokalni akcioni plan zaštite okoliša predstavlja strateški dokument u cilju vođenja dugoročne politike održivog upravljanja prirodnim resursima i unapređenja stanja zaštite životne sredine, te preventivnog djelovanja na zaštiti stanovištva Općine.

Član 3.

Finansijska sredstva za izradu Projekta Lokalnog akcionog plana zaštite okoliša Općine u iznosu od 10 000 € obezbijedila je nevladina organizacija Centar za okolišno održivi razvoj - COOR iz Sarajeva, putem projekta i to od REC-a i austrijske vlade.

Član 4.

Za koordinaciju izrade Projekta Lokalnog akcionog plana zaštite okoliša Općine imenovan je predstavnik Centra za okolišno održivi razvoj - COOR.

Član 5.

Odluka o donošenju Lokalnog akcionog plana zaštite okoliša Općine stupa na snagu danom objavljivanja u "Službenim novinama Kantona Sarajevo".

Broj 02-49-205/06
marta 2006. godine
Sarajevo

Predsjedavajući
Općinskog vijeća
Stari Grad Sarajevo
dr. sc. **Rizah Avdić**, s. r.